



სამართლის სკოლა

პროგრამის სახელწოდება

სამართალი

მისანიჭებელი კვალიფიკაცია

სამართლის ბაკალავრი

სწავლების მოცულობა კრედიტებით

251 ECTS

სწავლების ენა

ქართული

საბაკალავრო პროგრამის მიზანი

სკოლა ამზადებს სამართალმცოდნეებს, რომელთაც ექნებათ საფუძვლიანი თეორიული ცოდნა და იურისტისთვის საჭირო პრაქტიკული უნარჩვევები. ისინი შეძლებენ მუშაობას წამყვან თანამდებობებზე იურიდიულ ფირმებში, საჯარო სექტორში, სასამართლო სისტემასა და საერთაშორისო ორგანიზაციებში.

სამართლის სკოლის პროგრამა მოიცავს, როგორც კერძო, ისე საჯარო სამართლის მიმართულებებს და ფოკუსირებულია კერძო (ბიზნეს) სამართალზე.

საბაკალავრო პროგრამის დასრულების შემდეგ კურსდამთავრებულს საშუალება ექნება იმუშაოს:

- კერძო იურიდიული კომპანიაში
- საკონსულტაციო ორგანიზაციებში
- სახელმწიფო დაწესებულებაში
- საერთაშორისო ორგანიზაციაში
- კერძო კომპანიაში
- არასამთავრობო ორგანიზაციაში

პროგრამაზე დაშვების წინაპირობა

საბაკალავრო პროგრამით სწავლის უფლება აქვს სრული ზოგადი განათლების დამადასტურებელი სახელმწიფო დოკუმენტის მფლობელს ან მასთან გათანაბრებულ პირს, რომელმაც „უმაღლესი განათლების შესახებ“ საქართველოს კანონისა და საქართველოს განათლებისა და მეცნიერების

მინისტრის 2011 წლის 18 თებერვლის N19/ნ ბრძანებით დამტკიცებული ერთიანი ეროვნული გამოცდების ჩატარების დებულების შესაბამისად, მოიპოვა უფლება ისწავლოს თავისუფალ უნივერსიტეტში.

აბიტურიენტების ხელშეწყობისა და სტუდენტების მობილობის მიზნით, საგანმანათლებლო პროგრამაზე სწავლა, ერთიანი ეროვნული გამოცდების გავლის გარეშე, დასაშვებია საქართველოს განათლებისა და მეცნიერების სამინისტროს მიერ დადგენილი წესით და დადგენილ ვადებში:

ა) უცხო ქვეყნის მოქალაქეებისათვის და მოქალაქეობის არმქონე პირებისათვის, რომლებმაც უცხო ქვეყანაში მიიღეს სრული ზოგადი ან მისი ეკვივალენტური განათლება;

ბ) საქართველოს მოქალაქეებისათვის, რომლებმაც უცხო ქვეყანაში მიიღეს სრული ზოგადი ან მისი ეკვივალენტური განათლება და სრული ზოგადი განათლების ბოლო 2 წელი ისწავლეს უცხო ქვეყანაში;

გ) უცხო ქვეყნის მოქალაქეებისათვის, რომლებიც სწავლობენ/სწავლობდნენ და მიღებული აქვთ კრედიტები/კვალიფიკაცია უცხო ქვეყანაში ამ ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებაში;

დ) საქართველოს მოქალაქეებისათვის, რომლებიც საქართველოს განათლებისა და მეცნიერების სამინისტროს მიერ განსაზღვრული ვადით ცხოვრობენ/ცხოვრობდნენ, სწავლობენ/სწავლობდნენ და მიღებული აქვთ კრედიტები/კვალიფიკაცია უცხო ქვეყანაში ამ ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებაში.

საგანმანათლებლო პროგრამაზე ჩარიცხვა ასევე შესაძლებელია მობილობის წესით, საქართველოს განათლებისა და მეცნიერების მინისტრის 2010 წლის 4 თებერვლის N10/ნ ბრძანებით დამტკიცებული უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის შესაბამისად. საგანმანათლებლო პროგრამაზე ჩარიცხვის დროს, მხედველობაში მიიღება კანონმდებლობის მოქმედი რედაქცია.

საბაკალავრო პროგრამის სწავლის შედეგები (კომპეტენციები)

საბაკალავრო პროგრამის დასრულების შემდეგ კურსდამთავრებულს ჩამოუყალიბდება ქვემოთ ჩამოთვლილი ზოგადი და დარგობრივი კომპეტენციები:

ზოგადი კომპეტენციები

- კრიტიკული ანალიზის, მსჯელობისა და დებატის უნარი
- მშობლიურ ენაზე პროფესიული წერისა და კომუნიკაციის უნარ
- უცხოურ ენაზე (ინგლისური) წერისა და კომუნიკაციის უნარი
- უცხო გარემოში ადაპტირებისა და მოქმედების უნარი
- ჯგუფში მუშაობის უნარი
- თანამედროვე საინფორმაციო და საკომუნიკაციო ტექნოლოგიების გამოყენების უნარი

დარგობრივი კომპეტენციები

- ეცოდინება ეროვნული სამართლის სისტემის თავისებურებები და მახასიათებლები, მატერიალური და პროცესუალური ნორმები.
- ეცოდინება სამართლის სისტემების განვითარების ძირითადი ეტაპები და მფოსლიოში არსებული სამართლის სისტემები და მათი ძირითადი პრინციპები.
- ეცოდინება სამართლის ძირითადი თეორიული სკოლები და მიმდინარეობები.
- ეცოდინება ახელმწიფოს მოწყობის სისტემა და ძირითად სამართლებრივი პრინციპები.
- ეცოდინება საკონსტიტუციო სამართლის მატერიალური და საპროცესო ნორმები და შეძლებს ცალკეულ შემთხვევაში ადამიანის უფლებების შეზღუდვის პროპორციულობის შესახებ დასაბუთებულ მსჯელობას.
- ეცოდინება ზოგადსამართლებრივი პრინციპები, ფასეულობები და ღირებულებები;
- ეცოდინება სამართლის მეთოდები, რაც ხელს შეუწყობს საკანონმდებლო ცვლილებების, მეცნიერული სიახლეების მიდევნებაში და ცოდნის მუდმივად განახლებაში.
- დაეუფლება კაზუსების ამოხნის ტექნიკას, რაც დაეხმარება პრაქტიკულ საქმიანობაში.
- ეცოდინება ადამიანების ქონებრივი ურთიერთობების მომწესრიგებელი ეროვნული სამართლის მატერიალური ნორმები და შეეძლება ცალკეული ტიპის იურიდიული დოკუმენტის შემუშავება.
- ეცოდინება სისხლის ეროვნული სამართლის მატერიალური და საპროცესო ნორმები.
- შეეძლება სასამართლო პროცესისათვის სამოქალაქო, სისხლის, საკონსტიტუციო და ადმინისტრაციული სამართლის დოკუმენტაციის მომზადება და დაეუფლება პროცესებზე სიტყვით გამოსვლის ტექნიკას.
- ეცოდინება საერთაშორისო ბიზნეს ტრანზაქციების მომწესრიგებელი ძირითადი მატერიალური წესები.
- შეეძლება კერძო სამართლებრივი ხელშეკრულებების პროექტების შემუშავება და დაეუფლება ხელშეკრულების მონაწილეთა მოლაპარაკების ტექნიკას.
- შეეძლება ეკონომიკური და ბიზნეს კონცეფციების გამოყენება საქმის სტრატეგიის შემუშავებისათვის.
- ეცოდინება ზოგადი ადმინისტრაციული სამართლის მატერიალური და საპროცესო ნორმები და შეძლებს ადმინისტრაციულ-სამართლებრივი დოკუმენტაციის მომზადებას.
- ეცოდინება ევროპის კავშირისა და ევროპული ორგანიზაციების სამართლის სისტემა და ძირითადი პრინციპები.
- ეცოდინება საოჯახო და მემკვიდრეობითი ურთიერთობების მომწესრიგებელი მატერიალური ნორმები და შეძლებს ცალკეული ტიპის დოკუმენტების მომზადებას.
- ეცოდინება საჯარო საერთაშორისო სამართლის სისტემა და ძირითადი სამართლის პრინციპები.
- ეცოდინება სამართლის ეკონომიკური ანალიზის მეთოდები და მათი გამოყენება ცალკეული ტიპის იურიდიული პრობლემების გადასაწყვეტად.

ცოდნა და გაცნობიერება

კურსდამთავრებულს ექნება სამართლის სფეროს ფართო ცოდნა, რომელიც მოიცავს თეორიებისა და პრინციპების კრიტიკულ გააზრებას. სფეროს კომპლექსური საკითხების გაცნობიერება, კერძოდ:

- ეცოდინება ეროვნული სამართლის სისტემის თავისებურებები და მახასიათებლები, მატერიალური და პროცესუალური ნორმები.

- ეცოდინება სამართლის სისტემების განვითარების ძირითადი ეტაპები და მსოფლიოში არსებული სამართლის სისტემები და მათი ძირითადი პრინციპები.
- ეცოდინება სამართლის ძირითადი თეორიული სკოლები და მიმდინარეობები.
- ეცოდინება სახელმწიფოს მოწყობის სისტემა და ძირითად სამართლებრივი პრინციპები.
- ეცოდინება საკონსტიტუციო სამართლის მატერიალური და საპროცესო ნორმები და შეძლებს ცალკეულ შემთხვევაში ადამიანის უფლებების შეზღუდვის პროპორციულობის შესახებ დასაბუთებულ მსჯელობას.
- ეცოდინება ზოგადსამართლებრივი პრინციპები, ფასეულობები და ღირებულებები;
- ეცოდინება სამართლის მეთოდები, რაც ხელს შეუწყობს საკანონმდებლო ცვლილებების, მეცნიერული სიახლეების მიდევნებაში და ცოდნის მუდმივად განახლებაში.
- დაეუფლება კაზუსების ამოხნის ტექნიკას, რაც დაეხმარება პრაქტიკულ საქმიანობაში.
- ეცოდინება ადამიანების ქონებრივი ურთიერთობების მომწესრიგებელი ეროვნული სამართლის მატერიალური ნორმები და შეეძლება ცალკეული ტიპის იურიდიული დოკუმენტის შემუშავება.
- ეცოდინება სისხლის ეროვნული სამართლის მატერიალური და საპროცესო ნორმები.
- ეცოდინება საერთაშორისო ბიზნეს ტრანზაქციების მომწესრიგებელი ძირითადი მატერიალური წესები.

ცოდნის პრაქტიკაში გამოყენების უნარი

კურსდამთავრებული შეძლებს სფეროსათვის დამახასიათებელი და ასევე ზოგიერთი გამორჩეული მეთოდის გამოყენებას პრობლემების გადასაჭრელად, კვლევითი ან პრაქტიკული ხასიათის პროექტის განხორციელებას წინასწარ განსაზღვრული მითითებების შესაბამისად. კერძოდ:

- შეეძლება სასამართლო პროცესისათვის სამოქალაქო, სისხლის, საკონსტიტუციო და ადმინისტრაციული სამართლის დოკუმენტაციის მომზადება;
- შეეძლება კერძო სამართლებრივი ხელშეკრულებების პროექტების შემუშავება და დაეუფლება ხელშეკრულების მონაწილეთა მოლაპარაკების ტექნიკას.
- შეეძლება ეკონომიკური და ბიზნეს კონცეფციების გამოყენება საქმის სტრატეგიის შემუშავებისათვის.

დასკვნის უნარი

კურსდამთავრებული შეძლებს სფეროსათვის დამახასიათებელი მონაცემების შეგროვებას და განმარტებას, განზოგადებას, ასევე განყენებული მონაცემებისა და/ან სიტუაციების ანალიზს სტანდარტული და ზოგიერთი გამორჩეული მეთოდის გამოყენებით. ასევე შეძლებს დასაბუთებული დასკვნის ჩამოყალიბებას.

კომუნიკაციის უნარი

კურსდამთავრებული შეძლებს იდეების, არსებული პრობლემებისა და გადაჭრის გზების შესახებ დეტალური წერილობითი ანგარიშის მომზადებას და ინფორმაციის სპეციალისტებისა და არასპეციალისტებისათვის ზეპირად გადაცემას ქართულ და ინგლისურ ენებზე.

კურსდამთავრებული ასევე შეძლებს თანამედროვე საინფორმაციო და საკომუნიკაციო ტექნოლოგიების შემოქმედებითად გამოყენებას.

სწავლის უნარი

საგანმანათლებლო პროგრამის წარმატებით დასრულების შემდეგ, კურსდამთავრებული შეძლებს საკუთარი სწავლის პროცესის თანმიმდევრულად და მრავალმხრივად შეფასებას და შეძლებს დაადგინოს, დაგეგმოს და განახორციელოს შემდგომი სწავლის საჭიროებები და მეთოდები.

ღირებულებები

საბაკალავრო საგანმანათლებლო პროგრამის კურსდამთავრებული შეძლებს ღირებულებების და, ამ მხრივ, საზოგადოებრივი აზრის ფორმირების პროცესში მონაწილეობას და მათ დასამკვიდრებლად სწრაფვას.

ადიარებს პიროვნების ავტონომიის, არჩევანისა და გამოხატვის თავისუფლების, საკუთრების უფლების, სხვა თვისუფლებების და უფლებებს.

იგი გააცნობიერებს პროფესიულ პასუხისმგებლობას და ეთიკურ ნორმებს.

სწავლის შედეგების მიღწევის მეთოდი

სწავლის შედეგების მისაღწევად თითოეული სასწავლო კურსის მიზნიდან გამომდინარე, განსაზღვრულია შესაბამისი სწავლისა და სწავლების მეთოდები. საბაკალავრო საგანმანათლებლო პროგრამის ფარგლებში, როგორც წესი, გამოიყენება სწავლების შემდეგი მეთოდები: ვერბალური, ზეპირსიტყვიერი მეთოდი; წიგნზე და დოკუმენტებზე მუშაობის მეთოდი. წერთი მუშაობის მეთოდი, რომელიც გულისხმობს შემდეგი სახის აქტივობებს: ამონაწერებისა და ჩანაწერების გაკეთება, მოსაზრების ჩამოყალიბება; დისკუსია/დებატები/პრეზენტაციები; ჯგუფური მუშაობა; პრობლემაზე დაფუძნებული სწავლება; თანამშრომლობითი სწავლება; სამაგალითო შემთხვევის ანალიზი; გონებრივი იერიში; როლური და სიტუაციური თამაშები დემონსტრირების მეთოდი; ინდუქცია, დედუქცია, ანალიზი, სინთეზი; ახსნა-განმარტებითი მეთოდი; სიმულაციები; იმიტირებული სასამართლოები; კლინიკები.

მეთოდები გამოიყენება ლექციის, სემინარის, თუ პრაქტიკული მეცადინეობების დროს.

ლექტორი, აკადემიური თავისუფლების ფარგლებში, უფლებამოსილია სასწავლო პროცესში დააკონკრეტოს და გამოიყენოს ისეთი მეთოდები, რომელიც არის პროგრამაში, ან არ არის მითითებული ან/და, სასწავლო კურსის შინაარსიდან გამომდინარე, არ გამოიყენოს პროგრამაში მითითებული სწავლისა და სწავლების რომელიმე მეთოდი.

სტუდენტის ცოდნის შეფასების სისტემა

სტუდენტის ცოდნა ფასდება 100 ქულიანი სისტემით. შეფასება მრავალკომპონენტანია და შეესაბამება საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დამტკიცებულ უმაღლესი საგანმანათლებლო პროგრამების კრედიტებით გაანგარიშების წესს. სტუდენტის ცოდნის შეფასების დროს, პროგრამის განხორციელებაში ჩართული აკადემიური და მოწვეული პერსონალი ვალდებულია გამოიყენოს ზემოაღნიშნული

წესი. ცოდნის შეფასებისას გამოიყენება შემდეგი სქემა:

1. ხუთი სახის დადებითი შეფასება:

- (A) ფრიადი – შეფასების 91-100 ქულა;
- (B) ძალიან კარგი – მაქსიმალური შეფასების 81-90 ქულა;
- (C) კარგი – მაქსიმალური შეფასების 71-80 ქულა;
- (D) დამაკმაყოფილებელი – მაქსიმალური შეფასების 61-70 ქულა;
- (E) საკმარისი – მაქსიმალური შეფასების 51-60 ქულა.

2. ორი სახის უარყოფითი შეფასება:

(FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

(F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

მიღწეული სწავლის შედეგების გაზომვისას გამოიყენება როგორც მაფორმირებელი ისე შემაჯამებელი შეფასების ფორმები. ესენია: საშინაო დავალებები, ტესტები, პრეზენტაცია, ესეები, პროექტები და სხვა.

სასწავლო გეგმა (კურიკულუმი)

სასწავლო გეგმა და სემესტრული გეგმა პროგრამაში მოცემულია დანართის სახით, ხოლო კომპონენტების აღწერა - თანდართულ სილაბუსებში.

ადამიანური და მატერიალური რესურსი

თავისუფალი უნივერსიტეტი ახორციელებს საგანმანათლებლო პროგრამას გამორჩეული კვალიფიკაციისა და წარმატებული გამოცდილების მქონე აკადემიური და მოწვეული პერსონალით (იხილეთ დანართი).

საგანმანათლებლო პროგრამის განხორციელება უზრუნველყოფილია ფინანსურად და მატერიალურად. პროგრამის განსახორციელებლად უნივერსიტეტი გამოყოფს შესაბამის ფინანსურ რესურსს. პროგრამა, ასევე, უზრუნველყოფილია მატერიალური რესურსით. საგანმანათლებლო პროგრამა განხორციელდება კახა ბენდუქიძის საუნივერსიტეტო კამპუსში, რომელიც აღჭურვილია მაღალი ხარისხის განათლების მისაღებად საჭირო ინვენტარით და ყველა სხვა რესურსით.